



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e-mail: [info@voda.ba](mailto:info@voda.ba)

Broj: **UP-1/21-3-40-282-4/23**  
Datum: **09.08.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BELAMIONIX“ d.o.o. Brčko, za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Bosanska Otoka, općina Bosanska Krupa, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

### **RJEŠENJE** **o vodnoj dozvoli**

1. Daje se vodna dozvola pravnom licu „BELAMIONIX“ d.o.o. Bosanska Krupa, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Bosanska Otoka, na zemljištu označenom kao k.č. broj: 677/1 i 677/2 (ZK uložak broj: 933) K.O. Otoka II (stari katastarski operat), odnosno k.č. br. 26/41-3 i 26/40-3, upisano u PL broj 890 K.O. Otoka 2 (novi katastarski operat), općina Bosanska Krupa.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
  - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
  - 3.2. Da u roku važenja ovog rješenja, investitor, „BELAMIONIX“ d.o.o. Brčko, na osnovu dostavljene izrađene i revidovane projektne dokumentacije od strane ovlaštenog poduzeća „TQM“ doo Lukavac i „Euroing“ doo Bihać, (Glavni projekt sa snimkom izvedenog stanja sakupljanja, tretmana i ispuštanja otpadnih voda sa lokacije benzinske pumpe P.J. Bosanska Otoka) i važećom Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20) isti redovno održava i koristi u skladu sa pozitivnim zakonskim propisima.
  - 3.3. Skladištenje nafte i naftnih derivata vršiti u podzemnim dvoplašnim rezervoarima, kapaciteta 2 x 60 m<sup>3</sup>.
  - 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
  - 3.5. Da se istrošena ulja, nautljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
  - 3.6. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta

predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent.

- 3.7. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.8. Da se redovno vrši monitoring prečišćene oborinske onečišćene vode iz okna za monitoring shodno članu 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20), te pojedinačne i zbirne godišnje izvještaje dostavi Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 15/17, 23/17 i 41/20).
- 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.10. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane u prilogu 1., tabela 1.1. kolona 3. Uredbe o uslovima ispuštanja otpadnih voda u okoliš i sisteme javne kanalizacije.
- 3.11. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Da se tokom važenja ovog Rješenja obezbijedi minimalan broj uzorkovanja otpadnih voda iz okna za monitoring (mjerna mjesta definisana projektnom dokumentacijom iz tačke 3.2.), u skladu sa Uredbom o uslovima ispuštanja otpadnih voda u okoliš i sisteme javne kanalizacije, («Službene novine Federacije BiH», broj 26/20 i 96/20), te pojedinačne i zbirni izvještaj dostavi Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav 3. Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja.
5. U periodu važenja ove dozvole, korisnik „BELAMIONIX“ d.o.o. Brčko je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štetu ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete..
9. Ova vodna dozvola, shodno članu 129. stav (1) Zakona o vodama («Službene novine Federacije BiH», broj 70/06 ) se daje sa rokom važenja od **5 (pet)** godina, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
12. Uslov za izdavanje nove vodne dozvole je ispunjenje uslova iz dispozitiva ovog Rješenja.

## Obrazloženje

Pravno lice, „BELAMIONIX“ d.o.o. Brčko, obratilo se ovoj Agenciji dana 10.07.2023. godine sa zahtjevom za izdavanje vodne dozvole za ispuštanje onečišćenih oborinskih voda sa lokacije objekta benzinske pumpne stanice izgrađenog u naselju Bosanska Otoka, na zemljištu označenom kao k.č. broj: 677/1 i 677/2 (ZK uložak broj: 933) K.O. Otoka II (stari katastarski operat), odnosno k.č. br. 26/41-3 i 26/40-3, upisano u PL broj 890 K.O. Otoka 2 (novi katastarski operat), općina Bosanska Krupa.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o registraciji izdano dana 23.08.2021. godine, od strane Osnovnog suda Brčko Distrikta BiH pod brojem 096-0-Reg-21-000785,
- Ovjerena kopija Potvrde o registraciji broj: # 80007306, poreskog obveznika, izdano dana 01.06.2006. godine, od strane Poreske uprave Brčko Distrikta Bosne i Hercegovine,
- Ovjerena kopija Uvjerenja o registraciji obveznika poreza na dodanu vrijednost, broj: 04/1-17-UPJR/1-7637-2/12, izdano od strane Uprave za indirektno – neizravno oporezivanje Banjaluka dana 14.02.2013. godine,
- Kopija Rješenja kojim se odobrava (prijašnjem vlasniku) Ramić Kemalu da kao investitor može pristupiti izvođenju radova na izgradnji poslovnog objekta – benzinske pumpe sa autopraonicom u Bosanskoj Otoci izdato pod brojem UP-1-04-23-1-2241/06 od 13.10.2006. godine, od strane Općine Bosanska Krupa,
- Kopija Rješenja kojim se utvrđuje da su izvedeni radovi na izgradnji benzinske pumpe u Bosanskoj Otoci, investitora Ramić Kemala izvršeni u skladu sa tehničkim normativima i standardima i da objekat kao tehnički ispravan MOŽE koristiti, izdato pod brojem UP-1-04-23-1-730/07 od 03.05.2007. godine, od strane Općine Bosanska Krupa,
- Kopija uplatnice upravne pristojbe,
- Kopija Ugovora o izvođenju radova zaključen između ugovorenih strana: Br. 203-01/23, predmet kojeg su radovi na čišćenju separatora i septičkih jama i odvozu otpadnog mulja i taloga (tretman otpadnih voda) iz separatora i septičkih jama sa lokacije Naručioca; zaključen sa KEMEKO-BH d.o.o. Lukavac, dana 08.03.2023. godine,
- Radni nalog Kemeko-BH od 15.06.2023. godine o čišćenju separatora ulja i masti BP Belamionix doo Brčko – lokacija Bosanska Otoka,
- Prateći/transportni list br. 677-04/23 o odvozu muljnog otpada iz separatora sa lokacije BP Belamionix Bosanska Otoka,
- Kopija Izvještaja o monitoringu kvaliteta i kvantiteta otpadnih voda benzinske pumpe „BELAMIONIX“ BP Bosanska Krupa; urađen od strane „TQM“ d.o.o. Lukavac pod brojem G 1/1, juna 2022. godine,
- Zaključak o visini i roku za plaćanje posebnih troškova u postupku izdavanja vodnog akta; izdan od strane Agencije za vodno područje rijeke Save pod brojem UP-1/21-3-40-282-2/23, dana 24.07.2023. godine te kopija uplatnice troškova,
- Kopija Rješenja o prethodno izdatoj vodnoj dozvoli od strane AVP rijeke Save pod brojem: UP-1/25-3-40-218-6/18 od 10.08.2018. godine,
- Glavni projekat sa snimkom izvedenog stanja, tretmana i ispuštanja otpadnih voda objekta benzinske pumpe Belamionix P.J. Bosanska Otoka izrađen od strane „TQM“ doo Lukavac, registarski broj 10-134/23 broj protokola 3259/23 od juna 2023. godine,
- Revizija glavnog projekta sa snimkom izvedenog stanja, tretmana i ispuštanja otpadnih voda objekta benzinske pumpe Belamionix P.J. Bosanska Otoka, izrađena od strane „Euroing“ doo Bihac pod brojem REV 13-06/23 od juna 2023. godine,

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-1/21-3-40-282-3/23 od 03.08.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekt benzinske pumpne stanice sa pratećim sadržajima „BELAMIONIX“ d.o.o. Brčko, BP Bosanska Krupa, je izgrađen u naselju Bosanska Otoka, općina Bosanska Krupa.

Objekat se sastoji od nadstrešnice iznad aparata za istakanje goriva sa maloprodajnim mjestom i kafe barom, sanitarnim i upravnim prostorijama, spremnika za gorivo, separatora, internih saobraćajnih i parkiranih površina te zelenila.

Gorivo se dovozi autocisternama i pretače u dva ukopana dvoplašna spremnika, kapaciteta po 60 m<sup>3</sup>. Sanitarne otpadne vode iz maloprodajnog objekta su kanalizacionim cijevima sprovedene do septika. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do ispusta u otvoreni kanal, kojim se ispod trupa magistralne ceste M 14 (Bihać – Bosanski Novi) vrši ispušt u korito rijeke Une, koja protiče sa druge strane magistralne ceste. Oborinske vode sa internih saobraćajnih i manipulativnih površina, a koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka slivnicima i linijskim slivnim rešetkama te cijevnim sistemom odvođe do betonskog separatora ulja i masti na potreban tretman. Oborinske vode sa betoniranih pretakališnih površina se nivelacijom istih ka linijskim slivnim rešetkama prikupljaju i odvođe, također do betonskog separatora ulja i masti na potreban tretman. Preliv iz separatora je izveden u otvoreni kanal, kojim se ispod trupa magistralne ceste odvođe u korito rijeke Une.

Objekt se snabdijeva vodom, za sanitarne i protivpožarne potrebe, priključkom na lokalni vodovodni sistem. Projektnom dokumentacijom, urađenom 2005. godine, je predviđeno ispuštanje onečišćenih oborinskih i tehnoloških otpadnih voda (predviđena je autopraonica, na terenu samo postoji temeljna ploča i ista nije u potrebi) i čistih oborinskih voda u upojni bunar.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdato ovo rješenje i koji se trebaju ispoštovati u toku važenja istog. Na osnovu provedenog postupka konstatuje se da je podnosilac zahtjeva, „BELAMIONIX“ d.o.o. Brčko, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13 ).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:  
Fuad Mujagić, dipl. inž.

Po ovlaštenju  
Rukovodilac sektora za izdavanje vodnih akata



**Haris Ališehović, dipl. inž. građ.**

#### **Dostaviti:**

- „BELAMIONIX“ d.o.o. Brčko, Cerik bb, 76 204 Brčko Distrikt BiH,
- AVP Sava, ISV – Vodna knjiga
- Sektor 50
- Ⓞ - Sektor 40, arhiva
- Oglasna ploča-AVP Sava